

Werege o

Ezira

Zooz ci akati werege nico

Ma irkite ween kaboot tuur ki eetom kamoto ki turge (538) inaan Yesu kitiryai e, aanyeyun Sarus ween alaan baal abal looc o Persiya e Israyil kimiirye koto Jerusalema kibeem looce o Juda. Ma buk aanyek Sarus noogo keteenyit bodo cez o Tammu Jerusalema. Amiiri waanice ol ci meelik, bar zin waanice aŋaan ol ugeec abaawo noogo giye o ka bodo ketenyici cez o Tammu. Idizikteek ni nyakananeta Agaai kibeem Zekariya noogo, ma buk uum Tammu alaan Dariyo ziniz ka kitirit Israyil. Idica ni waanice Israyila cez enyiciinta irkite ween kaboot tuur ki amonki tuur (515) inaan Yesu kitiryai e. Ayeedi zoozowa nicigi werege ci Ezira noko libire ci oowu o.

Ayeedi werege nico libire ceen ram o kaala ci akati Ezira ci baal een alaan ci cez ci Tammu, ma een eet ci ademzeek ol lootinok ci Tammu noko. Ma irkite ween kaboot wec ki eet ram kamoto ki turge (458) inaan Yesu kitiryai e, abadaak niini kibeem Israyil oogi Jerusalem. Mazi ako amiiri Ezira, abaca bodo Israyila onje giye o arci moddeen ci gaagai. Iiya ni waanice anarowo Ezira nuume o Tammu giye nico, abadit ni ol moonny onjeene ugeec.

Ayelzaaket zin weregeewi nicini gi ci aanyeke Tammu kaal kutuguuze niini. Anyak buk Tammu dooyiz ci aanyeke alaat o abal moddeen o gaagai kutuguuzo kaal o aronni niini. Maje naaga ol ogine, abon kano goolok ogin iinya dook noko.

Aanyek Sarus ol o Israyil kimiiryozeek looc uneen

1 ¹Ma irkite o oowu baal agami alaani o looc o Persiya kazi Sarus alazeet e, aanyeyun Tammu zooz baal aduwa niini naaten nyakanan o kazi Jeremaya e keleme kibil to. Uum waanice Tammu alaan Sarus ziniz, ma aanyek noono koobek ol o looc onin dook ricanin ci ka keteyeede weregeewa:

²“Aduwa Sarus ween alaan o Persiya gi ci azi ne, ‘Niini Maanyi, Tammu o abal tammu tadeen neen, aanyan kagam alazeet ci looc nico o dook niini, ma aneraan ka keteenyek noono cez Jerusalema looce o Juda. ³Ma anyak naatunon ol ci Maanyi, ma aronni koto keteenyek bodo noono cez onin Jerusalema looce o Juda, abon baai Tammu uneen carkor kibeem noogo. Niini Maanyi Tammu o Israyil ma een niini Tammu o aavi Jerusalema.

⁴ Mā anyak ɔl o Israyil baal agamnyi e ci ɲaan arogi ma arɔɔɲ tirteen ci ka kimiiryɔi kooti Jerusalema, aanycek ɔl ci abaak vitenaane ci abaayi ɔl ci Israyil noko kitiritit nɔɔgo kaale koko: Abon aanyek nɔɔgo zurteenen, ki warki, ki kaal o kabal, kibeem kaal ci taabinet ci anyaa gɔɔn ɛti zinize onin doon ka kooti niigi ceeze o Joowo Jerusalema.’”

⁵ Ɛperperanit ni ɔl ween rakcook o booryowu olee o Juda, ki o Benjimen, ki alaat o ceez o Tammo, kibeem ɔl o Livai eleeti ka kɔɔto keteenycek bodo Maanyi ceez onin Jerusalema. Uum waanice Tammu nɔɔgo zinzeeti ka kimiirye kɔɔto Jerusalema. ⁶ Itiritit ni didi ɔl o abaawɔ nɔɔgo aanycek kaal o agɔɔnnyai zurteenene, ki warkine, ki kaal o kabal, ki kaalyan oogi ci aliimez, kibeem kaal ci anyaa gɔɔn ɛti zinize onin doon.

⁷ Abadaake buk waanice alaani Sarus nɔɔgo kaal baal ɔra Nebokadnezar ceeze o Maanyi Jerusalema ma ako aarek ceez o joowane ogin e. ⁸ Aanyeyun ni Sarus ween alaan o Persiya kaal nicoko kanyaa Mitiridat o gɔɔn agam kaal piimanene ogin, iiya ni ekeeb kaal nicoko dook zɛɛ aanyeyun ni Cecibazar ween alaan o Juda.

⁹ Ɛkeebte waanice ɔmɔɔ ci kaal nicoko kete: Eegin kodooɛ ceen warki, eetom kamɔto. Eegin kodooɛ ceen zurteenen, aliv (1,000). Eegin bodo kodooɛ ogeen, eetom ki tɔrkɔɔc. ¹⁰ Eegin kodooɛ ceen warki milinyik, eetom kamɔto. Eegin bodo kodooɛ ceen zurteenen milinyik, kaboot wec kamɔto (410). Eegin bodo kaala ogeen, aliv (1,000). ¹¹ Eegin waanice kaala nicigi dook, alivet tuur ki kaboot wec (5,400), acaanɔ warkina kibeem zurteenen. Abadaai ni Cecibazar kaal nicoko iinyaye baal abadaan ɔl baal agamnyi e Babilona avuunake Jerusalem e.

Zeedinet o ɔl o Israyil baal abada gamiinta e

2¹⁻² Abaak waanice ɔl ci Israyil noko Babilona ɲinbaal agami Nebokadnezar ween alaan o abal Babilon ma akɔyi ɲinaante e dook. Itiɲgaazo ni niigi ɔto Jerusalema kibeem looce o Juda. Mazi avɔ aruum looc, imiizok gɔɔn ɛti ceeni kutuur onin. Mā amiiri niigi e, alaat cigeeɛ neen, Zarubabel, ki Jecuwa, ki Neyimaya, ki Seraya, ki Reyelaya, ki Mordekai, ki Bilcan, ki Mizpar, ki Bigiwai, ki Reyum, kibeem Bayina.

Zeedinet zin ci ayeedine booryowa o ɔl baal abada gamiinta e neen ceeni:

³ Eegin dɔɔlya ci dɔɔl ci Paryoc, alivet ram ki kaboon ki eet iiyu kamɔto ki ram (2,172). ⁴ Eegin dɔɔlya ci dɔɔl ci Cepatiya, kaboot iiyu ki eet iiyu kamɔto ki ram (372). ⁵ Eegin dɔɔlya ci dɔɔl ci Ara, kaboot toorgerem ki eet iiyu kamɔto ki tuur (775). ⁶ Eegin dɔɔlya ci dɔɔl ci Payat-Mowab, ki Jecuwa, kibeem Jowab, alivet ram ki kaboot turge ki amonki ram (2,812). ⁷ Eegin dɔɔlya ci dɔɔl ci Elam, aliv ki kaboot ram ki eet ram kamɔto ki wec (1,254). ⁸ Eegin

doolya ci dool ci Zatu, kaboot torkooɗ ki eet ram ki tuur (945). ⁹ Eegin doolya ci dool ci Zakai, kaboot toorgerem ki eet iyyu (760). ¹⁰ Eegin doolya ci dool ci Bani, kaboot torkonoom ki eet ram ki ram (642). ¹¹ Eegin doolya ci dool ci Bebai, kaboot torkonoom ki eetom ki iyyu (623). ¹² Eegin doolya ci dool ci Azigad, aliv ki kaboot ram ki eetom ki ram (1,222). ¹³ Eegin doolya ci dool ci Adonikam, kaboot torkonoom ki eet iyyu ki torkonoom (666). ¹⁴ Eegin doolya ci dool ci Bigiwai, alivet ram ki eet ram kamoto ki torkonoom (2,056). ¹⁵ Eegin doolya ci dool ci Adin, kaboot wec ki eet ram kamoto ki wec (454). ¹⁶ Eegin doolya ci dool ci Ater, kibeem Izakiya, eet wec kamoto ki turge. ¹⁷ Eegin doolya ci dool ci Bezai, kaboot iyyu ki eetom ki iyyu (323). ¹⁸ Eegin doolya ci dool ci Jora, kaboon ki amonki ram (112). ¹⁹ Eegin doolya ci dool ci Aacum, kaboot ram ki eetom ki iyyu (223). ²⁰ Eegin doolya ci dool ci Gibar, eet wec kamoto ki tuur. ²¹ Zeedinet zin ci ayeedine ol baal abada gamiinta abaaƙ jjiitigeec kutuuryowe nicoko e neen ceeni:

Eegin ol ci abaaƙ Bezilema, kaboon ki eetom ki iyyu (123). ²² Eegin ol ci abaaƙ Netopa, eet ram kamoto ki torkonoom (53). ²³ Eegin ol ci abaaƙ Anatot, kaboon ki eetom ki turge (128). ²⁴ Eegin ol ci abaaƙ Azimavet, eet ram ki ram. ²⁵ Eegin ol ci abaaƙ Kiriyat-Jeyarim, ki Kepira, kibeem Beyerot, kaboot toorgerem ki eet ram ki iyyu (743). ²⁶ Eegin ol ci abaaƙ Raama, kibeem Geba, kaboot torkonoom ki eetom ki codoi (621). ²⁷ Eegin ol ci abaaƙ Mikimac, kaboon ki eetom ki ram (122). ²⁸ Eegin ol ci abaaƙ Betel, kibeem Aay, kaboot ram ki eetom ki iyyu (223). ²⁹ Eegin ol ci abaaƙ Nebo, eet ram kamoto ki ram. ³⁰ Eegin ol ci abaaƙ Magibic, kaboon ki eet ram kamoto ki torkonoom (156). ³¹ Eegin ol ci abaaƙ Elam oma, aliv ki kaboot ram ki eet ram kamoto ki wec (1,254). ³² Eegin ol ci abaaƙ Aarim, kaboot iyyu ki eetom (320). ³³ Eegin ol ci abaaƙ Lod, ki Aadid, kibeem Oono, kaboot toorgerem ki eetom ki tuur (725). ³⁴ Eegin ol ci abaaƙ Jeriko, kaboot iyyu ki eet ram ki tuur (345). ³⁵ Eegin ol ci abaaƙ Senawa, alivet iyyu ki kaboot torkonoom ki eetom kamoto (3,630).

³⁶ Zeedinet zin ci ayeedine booryowa o alaat o ceez o Tammo baal abada gamiinta e neen ceeni:

Eegin doolya ci dool ci Jedaya, kibeem Jecuwa, kaboot torkooɗ ki eet iyyu kamoto ki iyyu (973). ³⁷ Eegin doolya ci dool ci Imer, aliv ki eet ram kamoto ki ram (1,052). ³⁸ Eegin doolya ci dool ci Paciwur, aliv ki kaboot ram ki eet ram ki toorgerem (1,247). ³⁹ Eegin doolya ci dool ci Aarim, aliv ki amonki toorgerem (1,017).

⁴⁰ Zeedinet zin ci ayeedine ol o Livai baal abada gamiinta e neen ceeni:

Eegin doolya ci dool ci Odaviya ki Jecuwa kibeem Kadimiyel, eet iyyu kamoto ki wec. ⁴¹ Ma olee o goon abene aruk kidooret ceze o Tammo: eegin dool ci dool o Asap, kaboon ki eetom

ki turge (128). ⁴²Ma olee o gɔɔn abek araanok o ceez o Tammoo: eegin dɔɔl ci dɔɔl o Calum, ki o Ater, ki o Talmon, ki o Akub, ki o Aatita, kibeem o Cobai, kaboon ki eetom kamɔtɔ ki tɔrkɔɔc (139).

⁴³Zeedinet zin ci ayeedine gabara o ceez o Tammoo baal abada gamiinta e neen ceeni: dɔɔl ci dɔɔl o Ziya, ki o Aasupa, ki o Tabawot, ⁴⁴ki o Keroz, ki o Siyawa, ki o Padon, ⁴⁵ki o Lebana, ki o Aagaba, ki o Akub, ⁴⁶ki o Aagab, ki o Calmai, ki o Anan, ⁴⁷ki o Gidel, ki o Gawar, ki o Riyaja, ⁴⁸ki o Rezin, ki o Nekoda, ki o Gazam, ⁴⁹ki o Uza, ki o Pasiwa, ki o Besai, ⁵⁰ki o Asna, ki o Meyunim, ki o Nepusim, ⁵¹ki o Bakbuk, ki o Aakupa, ki o Aarwur, ⁵²ki o Bazilut, ki o Meyida, ki o Aarca, ⁵³ki o Barkoz, ki o Sisera, ki o Temaa, ⁵⁴ki o Neziwa, kibeem o Aatipa.

⁵⁵Zeedinet zin ci ayeedine dɔɔlya ci dɔɔl ci gabara o Sɔlɔmɔn baal abada gamiinta e neen ceeni: dɔɔl ci dɔɔl o Sotai, ki o Soperet, ki o Peruda, ⁵⁶ki o Jayala, ki o Darkon, ki o Gidel, ⁵⁷ki o Cepatiya, ki o Aatil, ki o Pokeret-Aazebayim, kibeem o Amii.

⁵⁸Eegin gabara ci ceez o Tammoo, kibeem dɔɔl ci dɔɔl ci gabara o Sɔlɔmɔn, kaboot iiyu ki eet wec kamɔtɔ ki ram (392).

⁵⁹Anyak zin waanice ɔl ci abada kutuure o kazi Tel-Mela, ki Tel-Arca, ki Kerub, ki Adon, kibeem Imer, ma bar alaŋ ayelza eleeti kiziti ɔl ci booryok ci dɔɔl ci dɔɔl o Israyil ceegi: ⁶⁰Delaya, ki Tobiya, kibeem Nekoda, eegin dɔɔlya ci dɔɔl cigeceek o dook, kaboot tɔɔrkɔnɔm ki eet ram kamɔtɔ ki ram (652).

⁶¹Maje buk olee ween alaat o ceez o Tammoo, anyak dɔɔl ci dɔɔl o Aabiya, ki o Aakoz, ki o Barizilai baal arɔc tinaati eet o kazi Barizilai o looc o kazi Giliyed makacin otoweec ɔl nɔɔnɔ zaar ci kaav cin noko e. ⁶²Ivita waanice orooŋit ɔl nicigi zaar ci ɔl o tatoognya ugeec weregeewe o azeedine ɔl zaara been ter, ŋaan kojokta. Zin giye nico, aaryai waanice niigi liŋliŋoonte ci alaat o ceez o Tammoo kiziti ɔl ci eegin riiriny ŋuume o Tammoo. ⁶³Iricaneek ni alaani o agam looc o Juda ɔl gi ci aneek ne, alaŋ ɔl nicigi aganɔ ŋaati adayi dayiin o aliile gɔɔn aanyonek Maanyi, dook e coma anyak alaan ci ceez o Tammoo ci akɔ aliŋliŋi Urim kibeem Tammim^a ka kijin Tammu zɔɔz nico.

⁶⁴Eegin waanice ɔmɔlɔ ci ɔl baal abada gamiinta e, alivet ceen eet ram ki ram, ki kaboot iiyu ki eet iiyu (42,360). ⁶⁵Anyak bodo ɔl ceen gabara cigeec maacik kibeem ci ŋai, ceen alivet toorgerem ki kaboot iiyu ki eetom kamɔtɔ ki toorgerem (7,337). Anyak zin waanice bodo ɔl ci maacik kibeem ci ŋai ci gɔɔn abene aruk kidooret, ceen kaboot ram (200). ⁶⁶Anyak

^a2:63 Urim kibeem Tammim: Nicigi kaal ci anyak alaani o ceez o Tammoo bɔkɔɔra ka keyeelek nɔɔnɔ gi ci arɔɔŋ Tammu.

waanice ol ci Israyil noko joomane ceen kaboot toorgerem ki eetom kamoto ki toorkonom (736), ki vartaje ceen kaboot ram ki eet ram ki tuur (245), ⁶⁷ ki nyakaalet ceen kaboot wec ki eetom kamoto ki tuur (435), kibeem zigire ceen alivet toorkonom ki kaboot toorgerem ki eetom (6,720).

⁶⁸ Mazi avu aruum niigi ceez o Tammoo Jerusalema, odomta ol ween rakcook booryowe ugeec ogene taabinet ci anyaa zinzeetine ugeec doon ka keteenyoi bodo ceez o Joowo naabaal abilni laadun e ele. ⁶⁹ Aanyek waanice niigi liqliqoon ci ceez ci Tammoo o, warki ceen kiilowet ceen kaboot tuur (500), ki zurteenen ceen kiilowet ceen alivet ram ki kaboot turge (2,800), kibeem ruumane ci alaat ci ceez o Tammoo ceen kaboon (100). Anyaa waanice niigi kaal nicoko eo kaal o te goon anyak esti. ⁷⁰ Abaayito ni alaata o ceez o Tammoo, ki ol o Livai, kibeem ol ninoma Jerusalema, kibeem vitenaane o ajonzo ki Jerusalem. Maje ol o goon abene aruk kidooret ceeze o Tammoo, ki ol o goon abekaraanok o ceez o Tammoo, kibeem gabara o ceez o Tammoo abaak niigi kutuuryowe ugeec. Abaayito ni buk waanice Israyila ceegi dook kutuuryowe ugeec.

Eenyet bodo Israyila njino avaadine taabinet

3 ¹ Ma nyeelowe ween toorgerem, abaayito Israyila dook kutuuryowe ugeec. Oromit ni niigi dook eeleeti kodoye, ma alotaak niigi dook Jerusalem. ² Odoma ni neerti Jozadak o kazi Jecuwa, ki gonogi ween alaat o ceez o Tammoo, ki Zarubabel ween neerti Celtiyel, kibeem ateenok ogin, eteenyacak Tammoo o Israyil njinti avaadine taabinet bodo ka goon kataabti Maanyi taabinowe o avaadi lai eo ayeedine lootinowe o Muses ween eet o Tammoo. ³ Yo nuun waanice anjole Israyila moddeen o abaawo kibeem noogo njinaante e, eenyete niigi njinti avaadine taabinet o naonin baal laadun abilni e ele labak. Akata ni bodo avaadek Maanyi taabinet ci avaadi lai njinaante neere ki yoomana.

⁴ Akataai ni Talniin o Aavtiye Ol Nyabukuunyai ebaal ayeedine weregeewe o lootinowu e, anyaa waanice niigi taabinet iinyaye ci talniinto o dook eo aaronek laadun. ⁵ Mazi ako oodotiz talniin, anyakta bodo niigi taabinet o avaadi lai iinya dook, ki taabinet o nyeelok nyerkiinto, ki taabinok o iinya o talniinto anjara Maanyi, ki taabinok bodo oogi ci te goon anyaaak esti Maanyi zinize onin doon. ⁶ Ma iitene ci oowu nyeelowe ceen toorgerem neke, akata ol anyaktaak Maanyi taabinet ci avaadi lai, maje teenyinet bodo o ceez o Maanyi, naan kakataai.

Ɛenyet bodo Israyila ceez o Tammo

⁷Urukteek ni Israyila ɔl o Ɛencyi biyene, kibeen ɔl o adɔɔɔ kaal guruuc, ma itoonek niigi dayiin, ki nyaantane, ki maaltane ci kinjiroowu ɔl ci kutuur o kazi Sidon kibeen Tayor ka kanyaktaai niigi keen o kazi Sidar Lebanona kunuyai liil kanyaktaak Jopa ebaal aanyeke Sarus ween alaan o Persiya nɔɔɔ e.

⁸Ma nyeelowe ween ram irkite ween ram anowo kibeen irkit baal abadaake niigi ceez o Joowo Jerusalem e, akata Zarubabel ween ɲerti Celtiyel, ki Jecuwa ween ɲerti Jozadak, ki gɔtɔnɔgi ween alaat o ceez o Tammo, ki ɔl o Livai, kibeen ɔl baal abadaak Jerusalem gamiinta e dook liɲliɲɔɔn o enyciin o ceez o Tammo bodo. Aɲera waanice niigi ɔl o Livai o iziti irkitoowa ugeec tiryaaɔto eetom, karabɔɲ ayaan ka kagamit liɲliɲɔɔn nico. ⁹Oromit ni Jecuwa eleeti ki lɔɔɔɔz ogin, ki gɔtɔnɔgi, ki Kadimiyel ki lɔɔɔɔz ogin (niigi dook dɔɔl ci dɔɔl o Odaviya), ki lɔɔɔɔz o Enadad ki gɔtɔnɔgi ween ɔl o Livai dook, arom niigi dook eleeti ka kagamit enyciin bodo o ceez o Joowo.

¹⁰Mazi akana ɔl o teenyinto liɲliɲɔɔn aruweek ceez o Maanyi looc bodo, uburuceek alaata o ceez o Tammo ruumanɛ ugeec alazeetu, ma abo torombeet, ma aruk dɔɔlya ci dɔɔl o Asap ween ɔl o Livai kidonɲwa, adiɲdiɲan niigi dook Maanyi eo zoosok baal aaronek looc ɲaaten Devid baal een alaan o Israyil e. ¹¹Ma anaat niigi Maanyi beniinowe, ma aanyek nɔɔnɔ zaany azi nɛ,

“Niini Maanyi abon,

ma areez Israyil nɔkɔ been nɛn.”

Ma agerɛny ɔl dook ɔɔɔt eɛ anaat Maanyi, eeci uruwoozek ceez o Maanyi looc bodo.

¹²Mazi bar acin ɔl ci meelik olee o mayaaniik eegin alaat o ceez o Tammo, ki ɔl o Livai, kibeen ɔl ween rakcook booryowe ugeec baal icinit ceez nico ɔɔwa e ceez akataai bodo, utuluuzɔ niigi ɔɔɔt eɛ, maje bar ɔl ceegi agerɛny atalne. ¹³Akɔm iitene nice eet ci ka keɲer gernyi ci luwaanto, kibeen gernyi ci talniinto, eeci appe waanice gernyi ɔɔɔt kiziye reena many.

Aɲaan moddeena enyciin bodo o ceez o Tammo

4¹Mazi azii moddo o gɔɔn amarniin ɔl o Juda kibeen o Benjimen gi ci ivita eteenyckeke ɔl baal abada gamiinta e Maanyi ween Tammu o Israyil ceez bodo noko, ²ivitaak niigi Zarubabel kibeen ɔl ween rakcook booryowe, ma avu aneek nɛ, “Aanycetɔ buk koromtoozeyuɲ naaga igeeta enyciinte ci ceez nico o, eeci kadiɲdiɲana naaga Tammu

cunooŋ noko kiyo buk niiga o. Ŋaanbaal anyaanet Esar-Adon ween alaan o abal Acur ŋinito e, kavu goon kagooneka Tammu cunooŋ noko todoyook.”

³ Eneektek ni bar Zarubabel, ki Jecuwa, kibeem ol ween rakcook o booryowu Israyila noogo ne, “Akom, alañ tirtēen cunooŋ ka ozoleeketu enyiciin ci ceez ci Tammu cinaan o karoonyia. Ŋaan keenyceka Maanyi ween Tammu o Israyil ceez cin o naaga many ebaal aricaneeket alaani Sarus o abal Persiya ageeta e.”

⁴ Oroonjit ni ol ci baal abaak looce nice neke goolok ci alacaan ol ci Juda o, ma abaak noogo ka kuruk kulurkuluri calañ ceez eenyet. ⁵ Ma amonan niigi alaat o alinliŋ ŋinaante ka kaŋaanit ol ci Juda noko ka calañ eenyet ceez ci Tammo o bodo. Agoon niigi gi nico iinyaye baal eene Sarus alaan o Persiya, ma amena noko zee been iinya baal eene Dariyo alaan o Persiya e.

Aŋaan moddeena enyiciin bodo o Jerusalem

⁶ Ma iinyaye o aku akanaan alaani o kazi Zeksas alazeet, anyakta moddo o amarniin ol o Juda werege ci akolaake ol o abaak Juda kibeem Jerusalem rooni.

⁷ Bodo iinyaye o aku abali alaani o kazi Artaseksas looc o Persiya, oromit Bicilam, ki Mitiridat, ki Tabiyel, kibeem ol o alinliŋ ki noogo eeleeti ma ayeedek alaan werege otooge ween Aramayik ka bodo kabaliwoozek otog o alaano.

⁸ ^bAyeedek bodo buk waanice alaani o agam alaat o milinyik kazi Reyum, ki o kazi Cimecai goon ayeed kaal alaan Artaseksas werege ci akani Jerusalem azi ne:

⁹ “Aneeta Reyum o keen alaan o kagam alaat o milinyik, ki Cimecai o goon ayeed kaal, kibeem ol o kalinliŋnya ki ageeta eegin pakcook, ki alaat o milinyik, ki alaat o agam kutuuryok, ki alaat o Persiya, ki ol o avu looce o Erek, ki Babilon, ki kutuure o Cucan (ma ol ci Cucan o, ol o Elam ele neen), ¹⁰ kibeem ol baal aluugi alaani o adikir adooi kazi Osnapar, ma aanyek kooto kabaayito kutuure o kazi Samariya kibeem vitenaane ogeen liil o Yuvratiz libire ci nyagjo e.

¹¹ “Zoozok zin ci kayeedekin naaga gabara ugune o kabaaka vitenaane o eel liil o Yuvratiz libire ci nyagjo o ineet alaan Artaseksas neen ceegi: ¹² Karoonyin naaga ineet alaan gaa ivita uruunit ol o Juuz baal avuunaket ŋaatun e Jerusalem. Akata zin bodo kutuur o ger baal laadun apēez baliin o alaat o oowu e enyiciinta. Inoko zin bar izi ŋinti ka kidicaai niigi zoon kibeem kaluwa enyiciinta.

¹³ “Karoonyia zin buk gaa niina alaani, mā eenyici bodo kutuuri nicini zee makacin idicaai kaluwa enyiciinta, alañ koca ol meeri kibeem kaal oogi aruk makacin guruuca ugune goon

^b4:8 Ayeedi werege nico zoon ci akanaai zooce ceen 4:8 zee been zooc 6:18 o, otooge ween Aramayik.

aruwoonekin o iziti kidice. ¹⁴Ma zin giye o kaavtiya naaga aziite cun ineet alaan, alañ karoonyanya kutuguuwe gi ci abil noko, kitoonekin werenge nico ka kuduktaayin zoz nico.

¹⁵Karoonyanya zin ricaneeke ol zoz ci ka koot kicintooi werengeenya o jijitugun baal azeedine kaala e. Ma agoon noko, ajowa koca gi baal goon ene kutuuri nicini kutuur baal laadun appez baliin o alaat o oowu, ma anyaak alaat kibeene ol o loocok ugeec piiryakzet e. Akana gi cineene appezi alaat o baal reena njaati jijitigaac e. Gi baal zin laadun ako makacin uulaloi kutuuri nicini e neene nicini. ¹⁶Kaneekin zin naaga ineet alaan ne, ma enyeci bodo kutuuri nicini, makacin idicaai kaluwa cine o, alañ koca bodo alazet cune o anyak dooyiz ci agame ol ci viten ci liil o Yuvratiz libire ci nyagjo noko.”

¹⁷Itoonak ni alaani Artaseksas Reyum weene alaan o agam alaat o milinyik, ki Cimecai o goon ayeed kaal, kibeene ol o alinjliñ ki noogo abaak Samariya kibeene vitenaane dook liil o Yuvratiz libire ci nyagjo o werenge ci aneek ne:

“Kazaayun, ¹⁸ekene werengeewi baal itoonaketu e, ma abaliwe njaati kaavei naana alya to. ¹⁹Kiricana zin zoz ci ka kicintooi kaala, ojoyai zin didi bar da kutuuri nicini, kutuur baal laadun appez baliin o alaat o oowu e neene. Akana gi cineene appezi alaat o baal reena njaati jijitigaac, ma een kutuur ci da goon aruyi ol tuu ma uulal alaat noko laadun. ²⁰Anyak baale Jerusalem alaat ci adooi ci abal loocok nicoko dook zee been viten ci liil o Yuvratiz libire ci nyagjo noko, ma aruweek goon waanice ol o baayizo dook meeri kibeene kaal oogi noogo. ²¹Inoko zin iricanteek ol zoz ci ka keelti ol nicaaga enyicin ci bodo kutuuro o zee ma alam ako anyak zoz ci karicaneekuñ naana. ²²Abon zin ageenyu, utuguuz eci kaduwaakuñ noko ele ka kokom gi ci anyaakan aneet alaan gerziitin.”

²³Mazi ako akeebonek werengeewi ci itoona alaani Artaseksas noko Reyum, ki Cimecai o goon ayeed kaal, kibeene ol o alinjliñ ki noogo, itingaažo niigi dook kataman noko, zožo Jerusalema olee weene Juuz, zožo ni alaamit noogo dooyiza calañ enyeci bodo.

Akana bodo Israyila enyicin o ceze o Tammu

²⁴Ibil rak waanice lijliñjooñti alañaan ceze o Joowo Jerusalema bodo enyeci zee been irkit weene ram irkitoowe baal iya iizo Dariyo alaan ci abal Persiya e.

5 ¹Ma iinyaye niceke, anyakta nyakananeeta ramaan Agaai kibeene Zekariya weene njeerti Ido molook ci avu aduwaak ol o Juuz abaak looce o Juda kibeene Jerusalema zaare o Tammu o Israyil abal noogo. ²Akata ni Zarubabel weene njeerti Celtiyel, kibeene Jecuwa weene njeerti Jozadak enyicin ci ceze o Joowo bodo Jerusalema, itiritit ni buk nyakananeeta ceene ram noko noogo lijliñjooñti.

³ Ivitaak ni alaani o kazi Tatenai agam viten o eel liil o Yuvratiz libire ci nyagjo e, ki Cetar-Bozenai, kibeen ol o alinjliŋ ki nɔɔɔ, ma avu ajin ol ci Juuz noko gi ci aneek ne, “Aricaneekuŋ zɔɔz ci aneekuŋ ne eteenyit bodo ceez nico zee ma adicaanu o ɲene?”

⁴ Ma ajin buk niigi nɔɔɔ zaar ci ol ci laadun eenyet ceez ci Tammu noko. ⁵ Bar zin waanice ageleem Tammu alaat ci ol ci Juuz eegin marwak o nɔkɔ, ma ɲaan waanice keelti ol nɔɔɔ liŋliŋɔnta zee ma alam akɔ mɔlɔɔyi alaana ɲaati Dariyo zee ma alam akɔ bodo abadaake niini nɔɔɔ werege cin.

⁶ Werege zin ci baal itoonek Tatenai o agam viten o eel liil o Yuvratiz libire ci nyagjo e, ki Cetar-Bozenai, kibeen ol o alinjliŋ ki nɔɔɔ eegin alaat o alinjliŋ vitenaane o liil o Yuvratiz libire ci nyagjo e alaan Dariyo o ceeni. ⁷ Azi weregeewi ci itoonek niigi alaan o ne, “Abil ganɔni dook ɲaatun ineet alaan Dariyo. ⁸ Karooŋnyin zin gaa niina alaani koota iinya nicoko looce o Juda ceeze ci Tammu o tiitiny, ma kavɔ kajowaana eteenye bodo ceez nicini biyene ci appintik, ma azeedek azane ci ceezu o keen. Alinjliŋ ol juruun, ma awɔ liŋliŋɔnti nicini ɲaatineŋ juruun.

⁹ “Kijinta ni alaat cigeec eegin marwak o keneekteya ne, ‘Aricaneekuŋ zɔɔz ci aneekuŋ ne, eteenyit bodo ceez nico zee ma adicaanu o ɲene?’ ¹⁰ Ma bodo buk kajina nɔɔɔ zaar ci alaat cigeec o ka waan keteyeeda zee ka kitoonteyin ineet.

¹¹ “Abarizeeyet ni bar niigi ageeta gi ci azi ne, ‘Keegina naaga gabara ci Tammu o abal tammu tadeen ki looc, ma ci keenyeta bodo o, ceez o Tammu baal eenyet alaani o Israyil adikir ma adica irkitoowe baal meelik ɔɔɔ e. ¹² Ma bar zin giye baal aanyeke jijitigaacak Tammu o abal tammu tadeen kotobor nɔɔɔ, aareke waanice niini nɔɔɔ alaan o looc o Babilon kazi Nebokadnezar een Kaldiyen azen, ɔɔyɔk ni ceez ci Tammu noko, ma agam nɔɔɔ ele akɔyi Babilona.

¹³ “Ma bar irkite o oowu baal agami alaani o Babilon kazi Sarus alazeet e, iricaneek niini ol zɔɔz ci ka keteenyɔi bodo ceez ci Joowo noko. ¹⁴ Odoma ni niini kaal o ceez o Joowo, agɔɔnnyai warkine, ki zurteenene baal agam Nebokadnezar ceeze o Joowo Jerusalema ma akɔ aarek ceez o jook uneen Babilon e, aanyek eet ci kazi Cecibazar ci arɔɔnya niini kizi alaan ci agam looc o Juda, ¹⁵ ma aneek ne, “Yitɔ kaal nicoko biti Jerusalema, bitɔ zin teeny bodo ceez o Joowo ɲaabaal abilni e ele zee aareyu ni kaal nicoko ceez ci Joowo noko ecitɔ.”

¹⁶ “Iiya ni Cecibazar nicini uruweek ceez o Joowo looc Jerusalema ɲaabaale ele, ma zin iinyaye niceke zee been inoko o, ɲaan ceez eenyɔi nɔkɔ, bar zin ɲaan kidicaai.’

¹⁷ “Inoko zin niina alaani mā agano, anyeek ol kicinit zōz nico werēgeenyaye o azeedine kaala Babilona, mā da didi irican alaani Sarus gi ci ka ketēenyoi bodo ceez o Joowo Jerusalema ka toonayet buk ageeta molook ci aduwaaket gi ci ka tuguu zooze nico.”

Aanyek Dariyo Israyil kameda enyiciinte bodo o ceez o Tammo

6 ¹ Irican ni alaani Dariyo zōz ci ka kicintōi werēgeenya o gōn ayeedine zozowa, iyaṅnyi ceezine o iyaaninto Babilona. ² Anyawuun ni werēge ci ajoyai kutuure o adikir tiitiny kazi Ameta abil looce o kazi Midiya, ayeedi weregeewe nico gi ci azi ne:

³ “Ma irkite o oowu baal agami alaani Sarus alazeet e, arican waanice gi ci azi ne, ‘Aanycek ceez ci Joowo noko ketēenyē bodo Jerusalema kizi donjin cine akōyi ki tadeen o, mitireet ceen eetom ki toorgerem, ma een buk lolaniin cine o, mitireet ceen eetom ki toorgerem ka gōn kavaade todoyoowa ṅinaante. Aanycek kuruktoozek zōreṅa looc kodooyit. ⁴ Abon eenyici zōreṅa ci ceezu o biyene ci appintik azeedi laak iyyu, ma eenyconek keena tadeena. ṅaan aruwe guruuca ci ataalyane kaala nicigi o loidoṅe o alaano. ⁵ Abon buk kaala o ceez o Joowo agōṅnyai warkine, ki zurteenene baal adoma Nebokadnezar ceeze ci Joowo noko Jerusalema ma anyaa Babilon e, amiironok viten ugeec baal adomnyaan ceeze o Joowo Jerusalema e.’”

⁶ Eteyedek ni alaani Dariyo alaan Tatenai o agam viten o eel liil o Yuvratiz libire ci nyagjo e, ki Cetar-Bozenai, kibeena alaat o aliṅliṅ ki nōṅṅ vitenaane o eel liil o Yuvratiz libire ci nyagjo e, gi ci aneek ne, “Edeyai niiga ceeze ci Tammo noko iziti reene many. ⁷ Má alaamnyu nōṅṅ, aanycek alaan ci agam ol ci Juuz o, kibeena alaat ugeec eegin marwak baayizo ketēenyit bodo ceez ci Joowo noko ṅaabaal abilni baale e ele. ⁸ Karicaneekuṅ zin zōz ci ka itiriti alaat ci ol ci Juuz eegin marwak o ka ketēenyē ceez ci Joowo noko bodo.

ṅaan aruwe kaala ci adica enyiciin ci ceezu o loidoṅe o alaano kaale ween meeri gōn aruwoonek vitenaane o eel liil o Yuvratiz libire ci nyagjo e ka calaṅ liṅliṅṅonti abil. ⁹ Mā anyak olla gi ci arōṅ alaata ci ceez ci Tammo o Jerusalema, kiyo arzeen, ki mirkici ci eegin kuduluyē, kibeena mirkici ceen nyagurguret ka kaanycek kiziti taabinok ci avaadi lai avaadek Tammu o abal tammu tadeen, karabōṅ een labi ween geme, karabōṅ een mele, karabōṅ een nyaan, karabōṅ een maal ci kiṅiroowu, abon aanyeku iinya dook nōkō calaṅ akomneekuṅ.

¹⁰ Abon agooni gi nicini o ka kavaadek niigi Tammu o abal tammu tadeen todoyook ka kook colili ṅaatin ka kaanyek nōṅṅ katalō ka buk kaṅaruyoozeyan niigi aneet kibeena lōṅṅ ogan.

¹¹ “Karican zin bodo gi ci kazi ne, mā anyak eet ci alaṅ zōz ci karican noko aliṅliṅi, abon apiyanu keet ceen zoorec ceeze onin, ma akanu nōṅṅ ele keete nico kuduun, aanyceyu ni kibil kitiire nico nōkō ka kizi ceez cine o kilan ci riirinyu. ¹² Abon baai Tammu o aṅera ṅinite

ka keteenyoi ceez onine ka kidiŋdiŋanti ɔl zaar ogin, aara alaan, karabɔŋ een ɔl ci arɔɔŋ kuulalit zɔɔz ci ona karican noko ka kuulalit ceez ci Joowo Jerusalema noko kizeec tɔ.

“Karican zɔɔz nico naana alaani Dariyo, abon zin aliŋliŋi ɔl dook zɔɔz nico juruuŋ.”

Adica Israyila ceez enyiciinta bodo ma apiicek Tammu

¹³ Utuguuzɔ ni alaani Tatenai o agam viten o eel liil o Yuvratiz libire ci nyagjo e, ki Cetar-Bozenai, kibeen ɔl o aliŋliŋ ki nɔɔgɔ, liŋliŋɔɔn juruuŋ eci ona arican alaani Dariyo o.

¹⁴ Emedaak ni alaata o Juuz eegin marwak ceez o Tammu enyiciinta, maje nyakananɛeta, Agaai, kibeen Zekariya ween ŋɛerti Ido adizkeek nɔɔgɔ zozowe ci molook ci aduwa Maanyi. Awo waanice kaala dook ŋaatineŋ juruuŋ, idica ni niigi ceez enyiciinta eo aricanɛɛke nɔɔgɔ Tammu o Israyil, ki Sarus, ki Dariyo, ki Artaseksas o eegin alaat o abal Persiya. ¹⁵ Idicaai ni liŋliŋɔɔnti iitene ween iyu, nyeelowe ween amonki ram kazi Adar ^c, irkite ween tɔɔrkɔnɔm irkitoowe baal ɛne Dariyo alaan o abal Persiya e.

¹⁶ Ipiicek ni ɔl o Israyil eegin alaat o ceez o Tammu, ki ɔl o Livai, kibeen ɔl baal abada gamiinta e dook ceez nico Tammu talniinta. ¹⁷ Mazi avu apiicek niigi ceez nico Tammu, anyakta olenya ceen kaboon (100), ki mirkici ci eegin kuɗuluye ci eegin kaboot ram (200), ki mirkici ceen nyagurguret ci eegin kaboot wec (400), kiziti kaal ci taabinto, kibeen kɔɔnyi ci eegin amonki ram, kiziti taabinet ci oŋeecu ka gɔɔn ceeni, kizi ci kidonɔ codoi, kidonjiine o Israyil eegin amonki ram. ¹⁸ Ezeedit ni Israyila alaat o ceez o Tammu, kibeen ɔl o Livai kiziti nyakenɛet ka kilinliŋit ceze o Joowo Jerusalema eo ayeedine weregeewe o Muses.

Atal Israyila Iiten o Vardaaŋinto

¹⁹ Ma iitene ween amonki wec, nyeelowe o oowu irkite o ano gɔɔn, atalit ɔl baal abada gamiinta e Iiten o Vardaaŋinto. ²⁰ Oony rak waanice alaata o ceez o Tammu, kibeen ɔl o Livai eleeti kitiliza ŋuume o Tammu. Ma atɔɔɔŋ ɔl o Livai mirkici ceen nyagurguret kibeen kɔɔnyi ci milinyik ka kiziti todoyook ci Vardaaŋinto ci ɔl baal abada gamiinta e dook, ki gɔɔtɔɔgi o eegin alaat ci ceez o Tammu, kibeen buk eleeti ugeec maany. ²¹ Adayit ni Israyila baal abada gamiinta e, kibeen moddeen o gaagai o otonɔit kaal ween riiriny keeranɛ ugeec, ma ivita idiŋdiŋanit Maanyi ween Tammu o Israyil. ²² Ma agɔɔn bodo buk niigi Talniin ci Dɔɔken o Alaŋ Amokcar talniinta, eeci ibitiz Maanyi nɔɔgɔ zinzeeti talniinta giye o ookci alaan o abal looc o Acur ziniz ka kitirit nɔɔgɔ enyiciinte ci ceez o Jook o Israyil.

^c6:15 Adar: Nyeelok ween amonki ram Babilona nɛen.

Amiironnek Ezira Jerusalem

7¹ Mazi ɔɔɔ irkitoowa ci meelik, iya izi Artaseksas alaan ci abal Persiya. Maje iinyaye niceke, anyak eet ci kazi zaar ne Ezira ceen ɲeerti Seraya, Seraya ceen ɲeerti Azariya, Azariya ceen ɲeerti Ilikiya, ² Ilikiya ceen ɲeerti Calum, Calum ceen ɲeerti Zadok, Zadok ceen ɲeerti Ayitub, ³ Ayitub ceen ɲeerti Amariya, Amariya ceen ɲeerti Azariya, Azariya ceen ɲeerti Merayot, ⁴ Merayot ceen ɲeerti Zerayiya, Zerayiya ceen ɲeerti Uzi, Uzi ceen ɲeerti Buki, ⁵ Buki ceen ɲeerti Abicuwa, Abicuwa ceen ɲeerti Piniyaz, Piniyaz ceen ɲeerti Eliyazar, Eliyazar ceen ɲeerti Aaron ween alaan o adikir ceeze o Tammu.

⁶ Inaaz waanice Ezira nicini Babilona ako Jerusalema. Aga waanice niini lootinok baal aanyek Maanyi ween Tammu o Israyil Muses e juruuɲ. Waanice Ezira alaan ci ademzeek ɔl lootinok nicoko. Zin giye o anyayi Ezira mayuuwenet o Maanyi ween Tammu onin, olla gɔɔn waanice mǎ anyak kaal ci ajin, aanyek alaani kaal ci arɔɔɲ o dook. ⁷ Ma irkite ween toorgerem irkitoowe baal abali alaani Artaseksas Persiya e, imiiryozek Ezira, ki ɔl oogi olee o Israyil kuruum alaat o ceez o Tammu, ki ɔl o Livai, ki ɔl o gɔɔn abene aruk kidooret ceeze o Tammu, ki ɔl o gɔɔn abek araanok o ceez o Tammu, kibeem gabara o ceez o Tammu Jerusalem.

⁸ Ma nyeelowe ween tuur irkite ween toorgerem irkitoowe baal agami Artaseksas alazeet e, iya uruum Ezira Jerusalem. ⁹ Akana waanice Ezira weet ci inaani Babilona o iitene wodoi nyeelowe wodoi, ma ako aruum Jerusalem iitene wodoi nyeelowe ween tuur, eeci aavi mayuuwenet o appe Tammu onin ɲaatin. ¹⁰ Apiicek waanice Ezira eɛ onin dook demziin ci ka kagawi lootinok o Maanyi ka kilinɲinɲi niini alya, ma ademzeek lootinok, kibeem ricaniinok nicoko ɔl o Israyil.

Aanyek Artaseksas Ezira wɛrege

¹¹ Aanyeyun waanice alaani Artaseksas Ezira ween alaan o ceez o Tammu ma een alaan o ademzeek ɔl lootinok aga ricaniinok kibeem lootinok baal aanyek Maanyi ɔl o Israyil juruuɲ e, wɛrege ci ayɛɛdi gi ci azi ne:

¹² “Aku zɔɔz nicini ɲaatan aneet Artaseksas o keen alaan o alaatu. Kitoonekin zɔɔz nico ineet Ezira ween alaan o ceez o Tammu, ma een alaan o ademzeei ɔl lootinok o Tammu o abal tammu tadeen. Rak ɔɔwa kazaayin.

¹³ “Inoko kiricana gi ci kazi ne, olla mǎ anyak olee ci Israyil noko, ki olee ugeec eegin alaat o ceez o Tammu, ki olee o Livai, looce ci kabal naana noko ci arɔɔɲ oorkorit ki ineet

kimiirye koot Jerusalema, amiiri labak. ¹⁴ Kitoonin naana alaani kibeem ol ogan ilootan eegin toogerem ka bito cino ol looce o Juda kibeem Jerusalema karabonj inoko alinjliji lootinok ci anyei aziita Tammu cun noko. ¹⁵ Yito buk zurteenen, ki warki ci taabinto kaanyeka naana alaani kibeem ol ogan ilootan Tammu o Israyil abil ceez onine Jerusalema zinzeetine ogaacak doon ceegi. ¹⁶ Yito buk bodo zurteenen, kibeem warki dook baal alotaai looce o Babilon dook e, kibeem kaal ci taabinet ci anyaak gon ol, ki alaat o ceez o Tammu zinzeetine ugeec doon ceez o Tammu Jerusalema.

¹⁷ “Abon zin akoo alinjlije kaal nicoko juruunj ka taalai olenya, ki mirkici ceen kuduluyɛ, ki mirkici ceen nyagurguret, ki labi o taabinto, kibeem nyaantane o taabinto ka bito taaboi ceeze o Tammu unoonj njo avaadine taabinet Jerusalema. ¹⁸ Odomta zin zurteenen, ki warki ci anyiigjai o, ilinjliji gi ci olla acinu niina kibeem gotonogu ceen Israyil o, agano eo aroonji Tammu unoonj. ¹⁹ Bito buk anyeek Tammu kaal ci ona aanyonekin noko ka kilinjliji ol ceeze o Tammu unun Jerusalema. ²⁰ Ma anyak kaal oogi ci bodo aroonji ceeze ci Tammu cun noko ci ka ronna niina, njan aruwe loidone o alaano.

²¹ “Karicaneei zin naana Artaseksas o keen alaan zoz nico alaat o agam loidon onan guruucu dook vitenaane o eel liil o Yuvratiz libire ci nyagjo e ka kaanycin ineet Ezira o een alaan o ceez o Tammu, ma een eet o ademzeei ol lootinok o Tammu o abal tammu tadeen gi ci olla te ajin niina noogoo o juruunj. ²² Gon zin te ma ajin noogoo zurteenen ceen kiilowet ceen alivet iyyu ki kaboot wec (3,400), karabonj een labi ween geme ceen kiilowet ceen alivet amoto (10,000), karabonj een litireet ci nyaanu ceen alivet ram (2,000), karabonj een litireet ci maal ci kinjiroowu ceen alivet ram (2,000), aanyin labak. Mazi ajin omolo ci ayaan nicoko, alaj koca aanyin. Maje ma een mele, aanyin ci olla te aroonj niina labak.

²³ “Olla ma anyak gi ci aroonj Tammu ci abal tammu tadeen o ka ketenyoi ceez cine o, abon aanyek ol ceen alaat noko Tammu kaal nicoko juruunj gerze njan aborneeket Tammu aneeta kibeem logooz cigan avu agam alazet tijeere vurute caan noonj. ²⁴ Anyak zin ol ci alaj ka alaata kodomtaai meeri kibeem kaal oogi ceegi: alaat ci ceez o Tammu, ki ol o Livai, ki ol o gon abene aruk kidooret ceeze o Tammu, ki ol o gon abek araanok o ceez o Tammu, ki gabara o ceez o Tammu, kibeem ol o olla alinjliji ceeze ci Joowo o.

²⁵ “Niina Ezira, lijliji geenyiz o aanyin Tammu unune ka neraa pakcook kibeem ol ceen alaat olee o aganeek lootinok o Tammu ka kabalit ol o abaak vitenaane o eel liil o Yuvratiz libire ci nyagjo e dook. Ma anyak eet ci njan aleek lootinowa ci Tammu cun o, edemezit. ²⁶ Ma anyak eet ci alaj lootinok ci Tammu cun o azii, ma alaj buk lootinok cigan aneet alaan

o azii, ɲaan kagernyeei goole ci aruween kadaak, karabɔŋ atooyine looce caan o, karabɔŋ aamnyane kaala ogine anyak, karabɔŋ acabiin.”

²⁷ Izi ni Ezira ne, “Katanaaz Maanyi ween Tammu o jijitigaac, giye o uumi alaan ziniz makacin utuguuwi kaal ci adiɲdiɲani ceez o Maanyi Jerusalema goole nico. ²⁸ Nɔɔnɔ neen o ayelzaakan reezinet onin giye o aanyeke alaan, ki ɔl ogin gɔɔn iloot nɔɔnɔ, kibeen alaat ogin adɔɔi alinjɔonek nɔɔnɔ dook katallɔ ɲaatan o. Adizkeekan Maanyi ween Tammu onan, ma atiritaan kolota ɔl ween ooti olee o Israyil makacin kabadaawa bodo.”

Zeedinet ci rakcook o booryok baal abada kibeen Ezira e

8 ¹ Zeedinet zin ci rakcook o booryok baal abadaak kibeen Ezira Jerusalem gamiinta Babilona irkite o eene Artaseksas alaan e neen ceeni:

² Abada doolene ci dɔɔl o Piniyaz, Gercom. Abada doolene ci dɔɔl o Itamar, Daniyel. Abada doolene ci dɔɔl o Devid, Aatuc ³ ween ɲeerti Cekaniya. Abada doolene ci dɔɔl o Paryoc, Zekariya, ɔrkɔra ki ɔl ceen kaboon ki eet ram kamɔɔ (150), ma ayeedi waanice ɔl nicoko zaara weregeewe o ayeedine zaara o ɔl o tatoog uneɛɲ. ⁴ Abada doolene ci dɔɔl o Payat-Mowab, Eliwoyenai ween ɲeerti Zeraiya, ɔrkɔra ki ɔl ceen kaboot ram (200). ⁵ Abada doolene ci dɔɔl o Zatu, Cekaniya ween ɲeerti Jayaziyel, ɔrkɔra ki ɔl ceen kaboot iiyu (300). ⁶ Abada doolene ci dɔɔl o Adin, Ebed ween ɲeerti Jɔnatan, ɔrkɔra ki ɔl ceen eet ram kamɔɔ. ⁷ Abada doolene ci dɔɔl o Elam, Jecaya ween ɲeerti Ataliya, ɔrkɔra ki ɔl ceen eet iiyu kamɔɔ. ⁸ Abada doolene ci dɔɔl o Cepatiya, Zebadiya ween ɲeerti Maikɔl, ɔrkɔra ki ɔl ceen eet wec. ⁹ Abada doolene ci dɔɔl o Jowab, Obadiya ween ɲeerti Jeyiyel, ɔrkɔra ki ɔl ceen kaboot ram ki amɔnki turge (218). ¹⁰ Abada doolene ci dɔɔl o Bani, Celomit ween ɲeerti Josipiya, ɔrkɔra ki ɔl ceen kaboon ki eet iiyu (160). ¹¹ Abada doolene ci dɔɔl o Bebai, Zekariya ween ɲeerti Bebai, ɔrkɔra ki ɔl ceen eetom ki turge. ¹² Abada doolene ci dɔɔl o Azigad, Jowanan ween ɲeerti Aakatan, ɔrkɔra ki ɔl ceen kaboon kamɔɔ (110). ¹³ Ma vuruta, abada doolene ci dɔɔl o Adonikam, Elipelet, ki Jeyiwel, kibeen Cemaiya, ɔrkɔra ki ɔl ceen eet iiyu. ¹⁴ Abada doolene ci dɔɔl o Bigiwai, Utai, kibeen Zakur, ɔrkɔra ki ɔl ceen eet iiyu kamɔɔ.

Abadaak Israyila Jerusalem

¹⁵ Kolotaaya ni ɔl nicoko dook liil o arik iim kutuur o kazi Ayava otog, kotodoya ni keemane ɲinaante ma kamona iinya iiyu. Mazi kakɔ kacin ɔl nicoko kibeen alaat o ceez o Tammo ka waan kojowa buk ɔl o Livai ɲaatineɲ, akɔm ci kajowa kina. ¹⁶ Kotowa ni olee

ween ooti, Eliyezer, ki Ariyel, ki Cemayiya, ki Elinatan, ki Jarib, ki Elinatan, ki Natan, ki Zekariya, kibeen Meculam, ma kawaa buk Joyarib ki Elinatan o ademéz ol. ¹⁷ Kitooneya ni nōōgō Ido ween alaan o agam ol ŋao kazi Kasipiya, ma kaduwaai kaal ci ka kōōt kuduktaak niigi Ido, ki gōtōnōgi ween gabara o ceez o Tammu abaak Kasipiya ŋinaante ka kitoontayet niigi ol ci avu aliŋliŋoonek Tammu onaaŋi ceeze cin o ŋina. ¹⁸ Ma zin giye o aavei mayuuwenet o appe Tammu onaaŋi ŋaatinai, itoontayet didi niigi eet o gōōn aganeek liŋliŋōōn kazi Cerebiya, niini doole ci dōōl o Mali, Mali ween doole ci dōōl o Livai, Livai ween ŋeerti Israyil. Ma wōrkōra buk Cerebiya kibeen lōgōōz cigin, ki gōtōnōgi, eegin ol ci wōrkōra ki nōōnō o dook amōnki turge. ¹⁹ Ma itoonaket buk bodo niigi Aacabiya ki Jecaya ween dōōl ci dōōl o Merari, wōrkōra buk niigi kibeen ol ceen ateekok cigeec eegin eetom. ²⁰ Anyak bodo buk waanice ol ceen gabara o ceez o Tammu ceen kaboot ram ki eetom (220) ci eegin dōōl ci dōōl ci ol baal aŋera Devid kibeen alaat ogin aliŋliŋoonek nōōnō ka gōōn kitiritit ol o Livai e. Ayeedi waanice nōōgō dook zaara weregeewe o yeedinto.

²¹ Kiricaneeya ni ol gi ci ka kotoŋti dayiin liil ci Ayava noko otooga ŋinaante ka kalacaa ol dook eleeti ŋuume o Jook onaaŋi ka kijinit nōōnō gōōl ci ka kuzuutet ageet luugja, ki dōōl ogaac, kibeen kaal ogaac kanyak. ²² Kanyeŋi waanice alyaan ŋaati ka kijini alaan taakirnya, ki ol o jōōmanewu ci ka kivita kebekteet ageet gōōla moddeeni, eeci waanice kuduktaak naaga nōōnō gi ci kaneek ne, “Amayuuk Tammu onaaŋi ol o gōōn arōōŋ nōōnō, maje ol o oōŋ nōōnō, aborneek nōōŋ wōōt ele.” ²³ Kotoŋit zin waanice dayiin, ma kajin Tammu onaaŋi ka kebeyeet luugja, abarizeeyet zin didi waanice Tammu ŋaryiin onaaŋi.

²⁴ Keŋera ni waanice ol ceen amōnki ram olee ween rakcook o alaat o ceez o Tammu, Cerebiya, ki Aacabiya, kibeen gōtōnōgi ceen amōtō. ²⁵ Ma kayabzaai nōōgō zurteenen, ki warki, kibeen kaal baal aanyek alaani, ki ol ogin iloot nōōnō, ki alaat ogin aliŋliŋoonek nōōnō, kibeen Israyil dook baal aavtiz ŋinaante ceez o Tammu onaaŋi e. ²⁶ Kayabzaai waanice nōōgō zurteenen ceen kiilowet ceen alivet eetom ki alivet ram (22,000), ki kaal ci agōōnnyai zurteeneŋe eegin kaboon (100) ci anyaa kiilowet ceen eet iiyu kamōtō, ki warki ceen kiilowet ceen alivet iiyu ki kaboot wec (3,400), ²⁷ ki kodooce ceen warki ceen eetom ci anyaa kiilowet turge, kibeen kaal ram ci agōōnnyai ziiye o maanik azi pilpil aliimez yabziinta kiyo warkina o.

²⁸ Kuduwaaya ni waanice nōōgō zōōz ci kaneŋi ne, “Ipiicozeyu niiga Maanyi, buk kaala ci agōōnnyai zurteeneŋe, kibeen warkine noko, ipiicozek Maanyi, maje zurteeneŋa kibeen warki, taabinok ci anyaaŋi ol Maanyi ween Tammu o jijitugooc zinzeetine ugeec doon. ²⁹ Anyayit

zin juruuḡ zεε ma kavḡ kayabiz Jerusalema ceeze o Maanyi ecitḡ ḡaati acini rakcoowa o alaat o ceez o Tammu, ki ḡl o Livai, kibeen ḡl ween rakcook booryowe o Israyil.”

³⁰ Odomta ni alaata o ceez o Tammu, ki ḡl o Livai zurteenen, ki warki, kibeen kaal nicoko dook ka kooti ceeze o Tammu onaa Jerusalema.

³¹ Ma iitene ween amḡnki ram nyeelowe wodoi, kitingaaza liile ci Ayava noko koota Jerusalema. Koorkorya waanice ki Tammu onaa nḡkḡ, ma azuunet moddeene ci ka waan kapaantet, kibeen olee ci ka kḡot katanḡuuzeyet ḡḡola ḡaati kaluugja o.

³² Mazi kavḡ karuumnya Jerusalem, kḡot kḡmḡnta ḡinaante iinya iiyu. ³³ Ma iitene ceen wec o, koota ceeze o Tammu onaa, ma kavḡ kayabiza zurteenen, ki warki, kibeen kaal nicoko dook. Kaanyceya ni kaal nicoko ḡεerti Uriya o kazi Meremot ween alaan o ceez o Tammu. Arome waanice niini ki Eliyazar ween ḡεerti Piniyaz, maje olee o Livai, aavtiz Jozabad ween ḡεerti Jecuwa, kibeen Nowadiya ween ḡεerti Binuwi tḡ. ³⁴ Akeebji waanice kaala dook, ma ayabze, ma ayeedi dook kebereece nice εε.

³⁵ Anyaktaak ni ḡl baal abada gamiinta e Tammu o Israyil taabinok ci avaadi lai. Anyaak niigi Maanyi olenya ceen amḡnki ram, kiziti taabinet ci ḡl o Israyil dook, ma buk anyaa mirkici ceen kuḡluluyε eet wec kamḡtḡ ki tḡorkḡḡm, ki mirkici ceen nyagurguret eet iiyu kamḡtḡ ki toorgerem, kiziti taabinet ci avaadi lai. Ma buk anyaa kḡḡny i ceen amḡnki ram ka kiziti taabinet ci ḡḡeeecu. Anyayai waanice kaala nicigi dook, ma avu avaadonek Maanyi goya. ³⁶ Ma adoma niigi wεreḡεenya o ricaniinok baal itoona alaani Artaseksas e, ma aanyek alaat o abal viten o εel liil o Yuvratiz libire ci nyagjo e, kibeen alaat o aliḡḡiḡoonek nḡḡḡ ḡinaante. Itiritit ni ḡl nicigi Israyil, ma atirit liḡḡiḡḡḡn ci ceez ci Joowo o buk.

ḡjaryiin o Ezira akati rḡḡḡn o Israyil kibeen moddeen

9¹ Mazi ḡḡt utuguuze kaala nicigi oodot, ivitaayan ḡl ween alaat olee o Israyil, ma avu aneekekan ne, “Adoma Israyila, ki ḡl ween alaat o ceez o Tammu, ki ḡl o Livai alaḡ arḡḡ kedeya eleeti olee o Kanan, ki Ait, ki Perizi, ki Jebusi, ki Amon, ki Mowab, ki Masir, kibeen Amori o kabaawḡ ki ageet. Agḡḡn buk niigi kaal ci abor Tammu ḡḡḡt εε kiyo ḡl nicigi o εε. ² Arḡc Israyila nicigi dḡḡl ci ḡl niceke, ma arḡcaak buk lḡḡḡz ugeec ḡaai doolene ci ḡl niceke, acaantek zin niigi ḡl o aliile eleeti ḡl niceke. Agḡḡn zin bar gerziitin ḡḡwa rakcoowa kibeen alaat kujukit ḡl coko dook.”

³ Mazi kazii zḡḡz nico, kerεeca ruumanε ogan kanyei, ma kadaaca ima ḡḡwa kibeen zεera, kaavu ni olla loota ḡaati kakane culuum. ⁴ Olotaai ni ḡl o aḡole zḡḡz o Tammu o Israyil, ma avu aliyaanan, giye o alaḡ ḡl ci baal abada gamiinta noko zinzeeti iimi ḡaaten Tammu. Kaavu

waanice loota njanaante njati kakane culuum noko zee ma aku kebereeeci o goon anyaae ol Maanyi taabinet o yoomanu.

⁵ Mazi ako aku kebereeeci o goon anyaae ol Maanyi taabinet o yoomanu yoomana, kitija njona kaavei kaluwe e, maje njato njan kanyei ruumane ogan areeci e noko, kakate ni kozoŋti looc njaryiinta, kodoŋeeya ni Maanyi ween Tammu onan azen. ⁶ Kiize ni ne, “Tammu onan, aaman alyaani kobozowe njati ka kodonji do ineet njuma, eeci atadizo oŋee ogaacak zee makacin iziti meele katayaanjet ageeta ootine, maje baciinowa ogaacak, uruunit tammu tadeen. ⁷ Akanaai gi nicini iinyaye baal jijitigaacak e zee been inoko o, kabacaana naaga ol ugone baciinok ci meelik oroot ele. Zin giye ci oŋee ogaacak, aareyet niina Maanyi ageeta ki alaata ogaacak abaleet, kibeena alaata o ceez unun azen o alaata o moddeen oogi kivita kakateet ageeta, ma agamnyeet, acabjeet, ma avoyeet loocowe ugeec, ma aam kaal ogaacak. Anyaktaayet ni alyaan ci appe oroot ele zee been waanico o.

⁸ “Inoko zin bar iya eyelizaayet niina Maanyi ween Tammu onaan bonat unun njati miliny noko, giye o anyiigane ol oogi njatinan korogit ma anyaanet kivita kabaakta njatun aliile noko yaak. Okoleet zin niina Tammu onaan ageeta kebere, ma buk aanyet waji ci miliny kayubuza gideente baale. ⁹ Njedet waanice kizita mirok didi, bar zin niina Tammu onaan njan tojeet kizita mirok, bar waanice eyelizaayet reezinet unun giye o aanyeke alaata o abal Persiya katallo njatinan ma uunnet korogta labak zee makacin kivita keteenyceyin ineet ceez unun baal doyooye e bodo, ma azuunet looce o Juda kibeena Jerusalema njina kabaakta yaak.

¹⁰ “Inoko zin, ka yo kuduktaayin ineet naagin Tammu onaan kaale ci agooni noko dook? Bar ricaniinok ugun kajukeeka looc naaga, ¹¹ ricaniinok ugun baal aanyet njaten gabara ugun eegin nyakananeet giye baal anne ne, ‘Ma looci ci avooyu ka dooto agamit kizi cunoon neke, looc ceen riiriny, eeci adalalai ol o baayiz nice riiriny looc nice kabanyo dook giye o agooni kaal o abor Tammu oroot ele. ¹² Inoko zin, ma aroonnyu odooyit, ma ka buk adayit kaal o abon looce nice zee ma oonjeku looc nice dool cugooc kizi cineen izi neen, ma aanyeku loogooz cugoocok korocit dool cigeec, ma buk aanyeku niiga noogo dool cugoocok korocit loogooz cigeec, ma buk atiritu moddeen nicoko ka kabaayito yaak, karabon ka kobonta noko been neen.’

¹³ “Anyaa zin kaal ci agoononeket noko dook, kaala ogaacak gerzeek, kibeena baciinok ogaacak appintik kabacaana, kagaya zin naaga alya noko agernyeeket goon niina Tammu onaan kidicilim gernyiinte calan agano kibeena oŋee ogaacak, ma buk bodo bar njan anyiiga ol oogi njatinan korogta labak. ¹⁴ Inoko zin yo kamedaawa kuduulta ricaniinok cugun o ka korocoowa kibeena ol ci agoon kaal ci abur oroot ele noko labak? Ma kagoona noko, abur koca

nooŋ ma adicaanet ageeta dook lai kəkəm eet ci anyiigjai karabon jaar gernyiin cun o.

¹⁵ Maanyi ween Tammu o Israyil, een niina Tammu o goon apai kaal keelit top, ineet neen ci naan anyiiganet korogta zee been waanico noko. Inoko zin ageeta nicigi kavuunakin ineet nuuma naati kaboorana baciinok ogaacak, maje nedet naaga, alaj waan bodo kaganoona naati kavu keelna ineet nuuma.”

Aborra Israyila onje ugeec

10 ¹ Mazi naan anarye Ezira naati aluwi, ma avaci ee looc, ma abad moony onjeene nicoko ceez o Joowo reera noko, olotai Israyila ci meelik, ol o maacik, ki naai, ki dool o miliny, ma avu aliya Ezira naati buk aluwi niigi root ee. ² Eneek ni Cekaniya ween neerti Jeyiyel ween doole ci dool o Elam Ezira ne, “Kabacaa zoz ma alanaan iimenet zinzeeti naaten Tammu onai giye ci koot korocaaya naai doolene ci moddeen ci gaagai kabaawo o. Ma zin enicoko dook, naan anyak Israyila gi ci atu noko. ³ Inoko zin katerkedeeka Tammu onai gi ci ka kotokta naai nicoko dook, kibeen dool cigeec o kotozo naatina. Maanyi onan, karoonya ka kilinjinta zozok o goon aduwaaket niina, ki zozok o aduwaaket ol o goon anole zozok o arican Tammu onai. Kilinjinta tjeere kaal o aron lootinowa o Tammu. ⁴ Inoko zin nicini, linjion cun, tjaawi gi nico, naan katiritiin. Anyeek ziniz kodok ka tuguu gi nico.”

⁵ Itjaawi ni Ezira gi nico, anyek niini rakcook o alat o ceez o Tammu, ki rakcook o ol o Livai, kibeen rakcook o Israyil dook keterkedit gi ci ka kutuguuzi gi ci ona aduwa Cekaniya o. Utuguuzo ni rakcoowa nicigi terkeiin nico. ⁶ Mazi aduun Ezira ceze ci Joowo o jina, ook atanu baalin ceze ci eet ci kazi Jeyoyanan ceen neerti eet ci kazi Eliyacib. Ma aavi jinaante o, alaj adake, ma alaj awode, eeci amena niini ki luwa giye ci alanaan imeen ol baal abada gamiinta e zinzeeti naaten Tammu o.

⁷ Itooni waanice moloji nicini ako looce o Juda kibeen Jerusalema olee baal abada gamiinta e ka koto kulute niigi dook Jerusalema. ⁸ Azi moloji nicini ne, aanyonek ol dook iinya iyon ci ka kivitai. Olla ma anyak eet ci naan kuruum looc zee ma adicai iinya ceen iyyu noko, aamnyai noo kaala ogine anyak dook kipiicozek Tammu kizeec to eo aricani rakcoowa, kibeen alat ween marwak, ma atooki niini alya olee baal abada gamiinta e kizii to.

⁹ Mazi avo aruumi iinya ceen iyyu noko, ma itene ween eetom nyeelowe ween torkoc, olotaak ol o kidon o Juda maacik, kibeen o kidon o Benjimen niigi dook baal o abil ceez o Joowo reera Jerusalema, ma avo aavtiz jinaante. Atii itene nice tammu root ee, ma abarit ol dook root ee giye o atilni tammu, maje bodo loten nicini akati tooyinet ci naai baal arocai

moddeene o gaagai e. ¹⁰ Itiŋa ni Ezira ween alaan o ceez o Tammu, ma aneek nɔɔɔ ne, “Alaŋaan waanice igeet iimenuŋ zinzeeti ŋaaten Tammu zee makacin azacu baciinok Israyila giye ci orocu dɔɔl ci moddeen ci gaagai o. ¹¹ Abon zin abɔɔraku Maanyi ween Tammu o jijitugooɔ onɛe ugooc, utuguuz gi o arɔɔŋ niini, ma abon adewaanu eleeti moddeene ci gaagai abaawonu ŋina noko, ma abon buk atooku ŋaai cugooɔ arɔcaanu moddeene ci gaagai noko kɔtɔɔɔ.”

¹² Abarizit ni ɔl dook ŋaati agernyi gi ci azi ne, “Aleema! Ŋaan kagoona eci aduwa noko eɛ. ¹³ Bar inoko zin meeɛ ɔl ŋina, ma een bodo tammu neen ci atiiɔl ɔɔɔt noko, alaŋ zin agano kaavtiya olla bitaala ŋaati vɔɔr noko nɔkɔ. Ma alaŋ gi nicini een gi ci ka kutuguuwe iitene codoi, karabɔŋ een iinyaye ceen ram, eeci ɔl ci meelik ŋaatinaŋ abacaa didi onɛec nico. ¹⁴ Anyeek kanyayit zɔɔz nico alaata ogaacak zaare cigaacak ageeta dook, ka goon eeti ceeni kutuuryowe ogaacak ci da ɔɔɔɔ moddeene ci gaagai o, kiiya kebereece o aaronek, kɔɔrkɔɔta ki alaata o kutuuro eegin marwak, kibeen pakcook ugeecek ka zin kemeda kutuguuwe nɔkɔ zee ma akɔ adicaai zɔɔz nicini, coma aaryai bornet nɔɔŋ o Tammu onaai ŋaatinaŋ.”

¹⁵ Otororit ni bar Jonatan ween ŋeerti Asayel, ki Jayeziya ween ŋeerti Tikiva zɔɔz nico, ma azoleek buk nɔɔɔɔ eeti ci kazi Meculam kibeen goon ci kazi Cabetai ci een Livayen.

¹⁶ Maje ɔl baal abada gamiinta e, utuguuzɔ niigi eci ona aduyai o. Eŋera ni Ezira ween alaan o ceez o Tammu ɔl ween rakcook o booryok ugeec, ma ayeedi nɔɔɔɔ dook zaara. Ma iitene wodoi nyeelowe ween amɔtɔ, aavtiyɔ loota ka kicinit gi nico, ¹⁷ ma iitene wodoi nyeelowe wodoi, idicaai zɔɔz ci ɔl ci baal aroce moddeene ci gaagai o.

Zeedinet ci ɔl baal aroce moddeene o gaagai e

¹⁸ Iiya ojoyai ɔl ci da aroce moddeene ci gaagai doolene ci dɔɔl o alaata o ceez o Tammu neen, dɔɔlya ci dɔɔl o Jecuwa ween ŋeerti Jozadak, kibeen dɔɔl ci dɔɔl o goɔtɔni Jecuwa o kazi Mayeziya, ki Eliyezer, ki Jarib, kibeen Gedaliya. ¹⁹ Eterkedit ni waanice niigi zɔɔz ci ka kɔtɔɔkti ŋaai ugeec, ma anyaaɔ goon eeti codoi ŋaatinaŋ Maanyi todoyoi ceen mirkic eezaye ogin kizi taabinet ceen ŋabolo ci onɛecu giye o baciinok ugeec. ²⁰ ɔl ci aroce moddeene ci gaagai doolene ci dɔɔl o Imer neen, Aanani, kibeen Zebadiya. ²¹ ɔl ci aroce moddeene ci gaagai doolene ci dɔɔl o Aarim neen, Mayeziya, ki Elija, ki Cemaiya, ki Jeyiyel, kibeen Uziya. ²² ɔl ci aroce moddeene ci gaagai doolene ci dɔɔl o Paciwur neen, Eliyonai, ki Mayeziya, ki Ismayil, ki Netanel, ki Jozabad, kibeen Eliyasa.

²³ Ma olee o Livai, ɔl ci aroce moddeene ci gaagai neen, Jozabad, ki Cimeɛ, ki Kelaya (Kelita eɛ neen), ki Petaiya, ki Juda, kibeen Eliyezer. ²⁴ Ma olee o goon abene aruk kidooret

ceeze o Tammo, eet ci aroce moddeene ci gaagai neen, Eliyacib. Ma olee o goon abek araanok o ceez o Tammo, ol ci aroce moddeene ci gaagai neen, Calum, ki Telem, kibeen Uri.

²⁵ Maje olee ogeen Israyila, doolene ci dool o Paryoc, ol ci aroce moddeene ci gaagai o neen, Ramiya, ki Jeziya, ki Malkiya, ki Mijamin, ki Eliyazar, ki Malkiya, kibeen Benaya. ²⁶ Ma doolene ci dool o Elam, ol ci aroce moddeene ci gaagai o neen, Mataniya, ki Zekariya, ki Jeyiyel, ki Abidi, ki Jeremot, kibeen Elija. ²⁷ Ma doolene ci dool o Zatu, ol ci aroce moddeene ci gaagai neen, Eliyonai, ki Eliyacib, ki Mataniya, ki Jeremot, ki Zabad, kibeen Aziza. ²⁸ Ma doolene ci dool o Bebai, ol ci aroce moddeene ci gaagai o neen, Jeyoyanan, ki Aananiya, ki Zabai, kibeen Atelai. ²⁹ Ma doolene ci dool o Bani, ol ci aroce moddeene ci gaagai o neen, Meculam, ki Maluk, ki Adiya, ki Jacub, ki Ceyal, kibeen Jeremot. ³⁰ Ma doolene ci dool o Payat-Mowab, ol ci aroce moddeene ci gaagai neen, Adina ki Kelal, ki Benaya, ki Mayeziya, ki Mataniya, ki Bezalel, ki Binuwi, kibeen Manasa. ³¹ Ma doolene ci dool o Aarim, ol ci aroce moddeene ci gaagai neen, Eliyezer, ki Icija, ki Malkiya, ki Cemaiya, ki Simiyan, ³² ki Benjimen, ki Maluk, kibeen Cemariya. ³³ Ma doolene ci dool o Aacum, ol ci aroce moddeene ci gaagai neen, Matenai, ki Matata, ki Zabad, ki Elipelet, ki Jeremai, ki Manasa, kibeen Cimei. ³⁴ Ma doolene ci dool o Bani, ol ci aroce moddeene ci gaagai neen, Mawadai, ki Amiram, ki Uwel, ³⁵ ki Benaya, ki Bediya, ki Keluyu, ³⁶ ki Vaniya, ki Meremot, ki Eliyacib, ³⁷ ki Mataniya, ki Matenai, kibeen Jayasu. ³⁸ Ma doolene ci dool o Binuwi, ol ci aroce moddeene ci gaagai neen, Cimei, ³⁹ ki Celemiya, ki Natan, ki Adiya, ⁴⁰ ki Makinadebai, ki Cacai, ki Carai, ⁴¹ ki Azariyel, ki Celemiya, ki Cemariya, ⁴² ki Calum, ki Amariya, kibeen Josev. ⁴³ Ma doolene ci dool o Nebo, ol ci aroce moddeene ci gaagai neen, Jeyiwel, ki Matitiya, ki Zabad, ki Zebina, ki Jadai, ki Jowel, kibeen Benaya.

⁴⁴ Aroce ol nicigi dook moddeene ci gaagai, ma anyak ol ogeen njaatinej dool njaane nicoko.